





第一一七五册

四庫全書

●上海古籍出版社

本冊目次

清	康	蒙	平	野	白石	東	方
獻	附康 錄範 外實	齋	齋	谷	附集 諸賢 酬外 贈詩	山	泉
集	錄錄	集	集	詩	道人詩集	詩	詩
	集	集	集	稿	集	選	集

宋杜範撰……五九九	宋汪暉撰……五七三	宋袁甫撰……三三一	宋趙汝鑑撰……八九	宋洪咨夔撰……一三三	宋姜夔撰……六三	宋葛紹體撰……三九	宋周文侯撰……一
-----------	-----------	-----------	-----------	------------	----------	-----------	----------

欽定四庫全書

集部

方泉詩集卷二

詳校官庶吉士臣瑚圖禮

總校官知縣臣繆

琪

校對官中書臣

王學海

謄錄監生臣

楊

培

欽定四庫全書

集部四

方泉詩集

別集類三

宋

提要

臣

等謹案方泉詩集四卷宋周文璞撰文璞

字晉仙號方泉又號山樞陽穀人與姜夔葛

天民韓洄諸人同時集凡賦一卷詩三卷張

端義貴耳集極稱其灌口二郎歌聽歐陽琴

行金銅塔歌以為不減賀白然文璞古體長

欽定四庫全書

方泉詩集

篇微病頽唐不出當時門徑端義擬以青蓮

昌谷未免不倫至於古體短章近體小詩固

可肩隨於白石無懷潤泉諸集之間宜其迭

相唱和也端義所稱灌口二郎歌集無此題

惟四卷之首有霍塘神君歌觀其詞意殆即

所謂灌口二郎歌以名不雅馴改題歟乾隆

四十六年五月恭校上

總纂官臣紀昀臣陸錫熊臣孫士毅

總
校
官
臣
陸
費
樞

欽定四庫全書

方泉詩集
卷一

二

欽定四庫全書

方泉詩集卷一

宋 周文璞 撰

鍾山賦

陟古阜兮遠遡望古鄉兮徘徊日忽忽兮欲下捺予心
兮訴哀昔王氣之初發有神人之稱孤逮溫雒之弗競
亦中興於此都乃因融結以作鎮倚崔嵬而在東指牛
首以立闕背龍盤而作宮後李嗣興規模屹隆張皇帝

欽定四庫全書

方泉詩集
卷一

一

圖咨謀國工陰陽既調清寧亦同司馬爰業而引前太
極穹窿而當中華林桂鼓璇室歌鐘轟丹楹兮暨暨森
翠氛兮融融殿薄苑記密如魚鱗中納元氣仰規大辰
將欲賓羣表於九夷負黼宸於萬春攝提紀曆卷舒效
珍回皇風於太初散靈雨於無垠及乎分代易姓滅沒
變遷厚禍隱毒實生其間紫髯鼎來黃龍載奔索蜜口
苦辭鴟涕潛近奮身而倒戈亦反袂而張拳則見天衣
畫章意貌孔武太白連蜷出渡江渚麗色登梯明雲鏡

空愴舊艷新過歸闕宮列事着情誇戰負釵閣像未塵
街首將變飲血擊賊舉烽燭夷戎鼓愔愔檣車疊蒙受
詔下令燒香誦詩妖祥昏淫廢典乖離傳之到今文字
峻峭音節淒悲雖衽席之上岩石之下可聽可詠而不
可思矣有如斯山則偃蹇干霄隱天蔽日雖涉世兮毋
害蓋與時而出入哀園椒兮江楓旋灰飛兮雨泣殺侵
纏郭晨暗夜明廢子傷內老夫填阮匹馬羣死淫羊衡
行豈曰作鎮而能忘情凡今齊民肯復記憶但能聯絡

欽定四庫全書

方輿詩集

相命趣具酒食上蕭齋而膜拜撫漫碑而口噴吉祝於
蔣侯之廟遐眺於周顒之宅野芳敷蒨山嘯啾啾渺歸
興兮亡盡畧興衰於戲劇嗟夫系緒悠遠條流煩貿若
錫嘏於肥水兮亦嘗併力以扶掖彼大勲之未集兮自
賢庸之弗究緣義類以徵詞兮庶茲山之可弔

方泉賦

惟山居之巖嵌兮有泉出而方窪彌歲年而沃濞兮雖
苦寒而萌芽茲隨區以賦形兮非浚土之所加吾初以

道為澤兮以溥博而為家既自抱於潔清兮又含咀乎
英華贊商易而非僭兮倣坤輿而非夸摩大蛤非神奇
兮出矩玉非矜誇雖使女盜冠而窺兮僕夫汲而盈車
泉豈嗽以為貪兮方豈蹈而為邪將引竹以種樹兮放
為池而涇麻順脉絡而襲水土兮則又豈退虎豹而進
龍蛇噫吾命濡滯於此丘兮又何敢怨懟而舛差

燃犀賦

智者鑑物貴於察微後來不察其智幾希智以神為用

欽定四庫全書

方輿詩集

神以智為友豈無其無而有其有庖犧女媧登龜斷蛇
風氣既開淵流亡涯故巢居僦於仲舒表柱燼於張華
若太真之事吾嘗以告諸徒矣博物者曰怪怪好奇者
曰輕輕盡性者曰渾渾窮理者曰冥冥如此則溫子將
不得為哲人子持賦於牛渚兩山之間老松古木倚而
和之則庶幾乎敬聽

投金瀨賦

世之所謂英雄豪傑之倫常多罹於困阨方伍胥之遭

憂兮寄微命於一食就嬋娟以訴哀兮乃鞠恭而進宮
何衆人之未然兮遽見奇於女子女既餉胥又自咎兮
沉厥軀而弗顧胥東行而入吳兮承君命而伐楚考鐘
鼓以假道兮復過歷平故處不見結褵正襟擊絮兮莎
葦披靡乎極浦山空水暝無他人兮老嫗嗥呼乎后土
誥諸人既弗又兮質諸鬼兮無所捐羹鑑於瀨中兮固
取信於來者凜魂氣其安之兮為慈母而下取庶幾用
此以全其老兮又足慰乎地下惟戰國之既衰兮士方
賤乎犬彘弄人命以為寵榮兮雖妻子猶弗忌悵聖賢
之不逢兮流遺恨於後世偉淑靈之好修兮視死生於
一試故皇極之未建兮曰蹈道而則未聞閭閻珥而至
此兮誠賢者之所謂吳既霸而胥稱忠兮伊若人之所
遺後千歲之悠悠兮有遺廟於故壘并邑改而經畫失
兮桑柘鬱其蕤蕤屏蘭茝其弗歆兮矧昏淫而諠茶飲
高風弗可企而將墜兮又秉節而不翮重曰投金於淵
明胥志兮女曰未能愴悅填兮緬想高風不見此兮

石麟賦

吁嗟麟兮爾所守者陳常之墓風颯颯兮鳴松草霏霏
兮泣露在昔鳧鍾振金龍輜載素域戶肇開靈游徑御
侍女薦玉而長號侍臣抱弓而回顧淒聲竟天怨毒凝
霧旦而視之惟爾麟兮高而不屈曲而弗踞哀而不傷
怨而不怒叶象製於圖錄謹工程於尺度千歲而往若
朝與莫陵栢禿而翁仲逃野棠發而狐兔度偉趾角之
巋然獨巍巍其如故惟紫微之舒光絕巨筆於尼父父
為爾而洒泣蓋自悼其弗遇予有感於斯文乃斐然而
稱賦亂曰噫人之生具五常其聰明者君而王頃刻之
隔或聖狂雕題鑿齒方混茫天張義旗自晉陽蠻貊冠
帶裁衣裳昭哉上帝開此祥千秋萬歲立道傍吁嗟麟
兮庸何傷

黃連香賦

余披五嶽之圖禮三茅之神莎服笋冠步行潤濱有老
人者手持奇薰飈於崑崙谷乃賦以文句曲之天華陽之

山黑武蒼頡各持離落爰有藥樹流膏滿身味苦氣厚
獻於丘園有道所享不肖所僣世上齊民業流灣濶罔
知紀極孰能遮攔爾惟昧昏能反其元當焚當燭上聞
九關爾惟飛翺爾魂狙猿速往逐臭母啟我垣網緼輪
困化為明煙素皇泰尊實鑒我言欲盡其微祇以贊煩
余方肅而聽俯而拾仰而不見但見石壁

欽定四庫全書

方泉詩集

六

方泉詩集卷一

欽定四庫全書

方泉詩集卷二

宋 周文璞 撰

臯橋

伯鸞出京師慷慨歌五噫豈無濟時心升降與我違有
來適吳中春吳採寒餓吳人臯伯通舍之慰窮樓方志
雖或除此橋猶可稽伯鸞號逸民佳傳昭緱緇伯通賴
有此庶幾與之齊至今閭門外兩冢陪要離鬱鬱各高
欽定四庫全書

方泉詩集

堯章金銅佛塔歌

白石招我入書齋使我速禮金塗塔我疑此塔非世有
白石云是錢王禁中物上作如來捨身相饑鷹餓虎紛
相向拈起靈山受記時龍天帝釋應惆悵形模遠自流
沙至鑄出今回更精緻錢王納土歸京師流落在西
湖寺錢王本是英雄人白蓮花現國主身蛇獅虎落狗

脚朕何如紅袍玉帶稱功臣天封折開即退聽兩浙不
聞茄鼓競歸來佛子作護持太師尚父尚書令一枚傳
到白石生生今但有能詩聲同袍泰外銛師兄哦詩禮
塔作佛事同喫地爐山芋羹何曾薰陸綺床供但見相
輪銅綠明哦詩禮塔猶未畢蘆葉低飛山雨濕

初至長干寺

雲杪焚香一塔燈覺皇舍利寶烟凝山門推上三更月
似照前朝禮拜僧

欽定四庫全書

卷二 詩集

回次林陵

我行古井邑北風吹倒人旗店語簇簇石路聲轆轤下
車得少憩亭午聽司晨豈但田稻香更覺村醪醇懷哉
厭王氣契閭母重陳舊為秋陵尉今為鍾山神

哦松夏夜

雅頌聲流到楚詞更無人見獨看時池頭五粒初搖動
却替幽人說舊時

鷓鴣

夜聞春雨來濃綠淨於洗有禽自南嚮自呼不得已豈
非湘川下或自江左起黃陵見哀妃白下感遊子仍多
憂其兄宛轉深樹裏汝兄今何在荆棘日靡靡豈非因
空山或已投逝水年深桎梏化波冷皮肉死鷓鴣謹弗
痛此係造物理吾若破析言汝恨入骨髓風吹惹竹林
苔堂上深紫吾亦念故鄉日夜夢鄰里不如各歸休闕
月照西鄙

懷何月湖

欽定四庫全書

卷二 詩集

星星鬢髮卧林丘詔使東川作郡侯髯叟望公來海嶠
瘴兵迎守去夔州珍圖想掛茅齋壁巧石應隨竹艇流
教得巴童歌舞好侍郎千萬却歸休

潁上懷古

有孟正曜祠堂

古寺闕岑鬱空梁懸齋魚神生既歎仄德容亦飢虛先
生貧有命山僧樂無餘長安滿市花疋馬吟九衢寒冢
北卽山而誰噫荒墟豈有先生者不如山僧歎育風振
苔華重露落芙蓉何當醉尉歸方坐釣水隅

瀨上貞女祠

估客征夫上野橋錦襦玉珥亦蕭條人間多少乘除事
到了英雄恨不消

銅雀研

君王有遺令婢子守空臺遙望西陵下漆燈照鴛杯玉
顏闕釵澤松柏生悲哀低吟短歌行想像姦雄才清泉
沈金彩古烟凝紫灰零落故瓦在雕鐫若陶坯為人作
書研銅章出詆諧上下千載間流轉何悠哉那知壚中
欽定四庫全書

方輿詩集
卷二

人天命不復來齊昏亦披猖增三墓崔嵬年年漳河頭
野棠如雪開

丘慶餘畫免

家住棲賢雲泉石恣幽討寫出明視孫眉目增媚好如
日行跋踈衣褐坐芳草脫身文字禍見幾恨不早仰候
月盈縮脩眉幾回掃迷離望靈樂青松為三倒山人書
姓名欲使好事考

夜生讀書

此生無耽嗜獨具愛書癖旁搜固未暇乍見亦畧識塵
土苦見汗更苦官事逼紙燈既自剪竹牖仍僕織山邑
少文獻有亦何自覓隨行五升瓶一歲無滴瀝向來長
安市閱之嘗竟夕悵然夢裏去莽莽雲雨側哦此謂寒
螢夜漏三十刻

春雪

崇禧仙館似官居二月寒風峭有餘傲史吟哦空峭下
野童放散夜堂初榮榮宿火煨村酒煜煜殘燈鏡道書
欽定四庫全書

方輿詩集
卷二

五

鶴廟

櫻桃花覆地古廟自青春帳裏還丹使山中採藥人風
林噪黑虎雲路列斑麟欲見神君面連朝禮北辰

王晨口占

風鳴長史朝天柏草護仙翁瘞劍瑩瑞象殿前亡馬跡
養龍池上有龜鳴

華道士白胭脂

蕭史水銀粉，番女紅藍花。狂奴愛風調，脂澤遂成家。鏡開青峽月，衣近赤城霞。欲下人間世，櫺林棲晚鴉。

杜鵑花

雲樹重重和淚吟，故宮遺廟有知音。秦吳萬里皆芳草，染到山花恨最深。

新柳

長條導幽情，淨色穿戶牖。酸風颭如醋，少待濃似酒。颭颭金絲垂，滿眼遮老醜。

欽定四庫全書

卷一百一十五

六

王道士庵

出家纔二十，小築契初心。水浸蘿根冷，苔封井臼深。狄啼天慘慘，天吠月陰陰。又踞藜牀坐，焚香鼓內琴。

南華陽洞

稽首遊名山，駕言入華陽。南洞極秘怪，松草泉水香。曲几妙鍊畫，殘碣刊靈章。俛首試一闕，冷風襲綃裳。守菴敬愛客，暖我紫术湯。遺我鵝眼錢，云是洞所藏。往有尋幽徒，入見黃金墻。侈心或已起，幾受奇鬼戕。身儼獲會。

遇敢恨飛蓬，霜更丐一片土。小築安閒房，朝披神芝圖。暮試飢飯方。

金牛洞

凌兢下危梯，俯偃入深穴。回身避雲霧，偃面眎日月。藥苗叢鎗訝竹節，截屏辭安知幽蹊。下有此大奇，絕金牛。雖光景仙牒，尚可問岡頭。春已半，枸杞如點血，便恐顛風興，橫吹石崖裂。

山行行歌十首

欽定四庫全書

卷一百一十五

七

受錄壇前雲更長，春風漠漠香花香。羊迴路轉無人處，恰見天書字數行。

疎葉雕珉萬萬層，雲頭晃晃現觚稜。野人自愛深幽景，只是尋常不見僧。

道院中間沐髮空，施來元自贊皇公。君能百拜香烟下，不怕丹墀路不通。

蟲炷黃連徹夜焚，秦謳楚謠少人聞。近前欲問新宮信，鶴帶靈芝入暮雲。

鶴帶靈芝入暮雲。

帶淺人家隱樹深嫩晴天色弄雲陰好風嫋嫋穿林去
吹散松花似鬱金

遨遊自是不思歸花氣蒸衣氣力微拋棄文書亡俗累
嶺猿吟後閉山扉

天風穩送步虛聲雜和漫山檜栢鳴遠望山腰多白石
細看知是野人行

中峯道士藥珠丹曾與神仙玉煉顏見說醉來燒隱訣
藥爐蕭瑟卧空山

欽定四庫全書

方集詩集

紫陽道院古丹書恨渠猶畫化胡經晚香滅沒人歸後
自有天風撼玉鈴

砌穴蕭森隔土橋項梁城頌最蕭條羽衣歌此招冤鬼
直送旂旗上九霄

壬戌春日

自從憂慮長精神兀坐齋房過了春寥落盡乾官燭暗
搏蒲齒亂旅囊貧皇天老眼非塵世白日閒愁自替身
一段風光好如畫未須全與路行人

至荆公墓二首

一丈荒墳上悠悠落日斜子孫來祭後守墓掃松花
守法曾丞相能文陸左丞風流如未泯應作寺中僧

又二首

年少坐談玄鍾山直北邊春風吹夢過浥汜舊貂蟬
野老從余話文公在半山蹇驢追不及落日寺深闌

出白下

南朝禁藥夕陽明猶與遊人作隊行烟滿天淵池上路

欽定四庫全書

方集詩集

九

菜花黃盡綠陰成

遊栖霞四首

破曉逗苦霧客鼻何酸辛山中氣候異初日如燭銀田
間石獸多知是肉角麟古苔半皴腹化作蒼龜鱗兩柱
既爰業衆碑亦嶙峋幽涂得奇觀未敢辭埃塵連年抱
離憂百嗟亡一呻花季鬢毛晚草奪袍色春愁中書橫
失夢裏歌鐘散窮愁著文字屢被同行嗔同行不相知
而况悠悠人

道中石麟碑柱畫影

其二

吾與空門友相扶歷芳甸天機久深妙梵本與貫穿徐
馳得幽欣濟勝慙孤願宿芽發輕苞寒卉抱短艷鹿走
風生林僧歸雲入殿寺從齊梁來諸彦題品遍安知千
歲後未嘆陵谷變

其三

優尼製銅覺欲住女主齡主稱金輪王錄在華嚴經而
捨覺富貴愛慕塗椒馨月黥回心院妖覓啼窈冥僧人
欽定四庫全書
方集詩集
上
弗知此獨受一峰青分賦倘及我終歲棲林垞

其四

府帖昨夕下許奉半月急遂作茲山遊惘恍憂思失古
蹟墮榛莽久久失修葺南唐石塔好歸然對人立高碣
纏蛟龍奇畫耐風日明且丹陽路萬感當畢集說與石
翁婆皆須為余泣

再如金陵

再踏江東路詞窮不復論江泥沾苦淚津鼓聚歸窺庾

信因愁老陶潛為酒存孤踪雖落魄不敢望明恩

道中望茅山有感

危亭對名岳畢景扶鈎欄白鷺同寮過低昂若弓彎去
歲負爰遊最佳元符間標林帶脩竹清流派珊珊離留
蚪畫靜洞天生春寒偉哉老宗師作室雲雨端竟為殺
虫蟻不活升龍鸞遺體但解蛻故宮亦燒殘今瓶已半
舊萬柱扶玄壇遂以兩不借一節履巘屹入宅問玉斧
採芝投金環墨沼篆結字丹臺氣成盤將謂便隱遁
欽定四庫全書
方集詩集
上
亦羅間闕夷甫塵尾墮荀令香爐閒再拜望奇秀恍然
神觀還如見大仙伯初髮綠映山兩君控鶴從俱蒼漢
小冠俗累當復馳養樂禹欲翻

病起寫懷

夕陽蔽天涯望望不見家牛斗象緯微咄咄空嗟此
時將細碎說與枝上花

送友人入浙

小縣登樓上依稀是去年更聞吹短笛飲散竟歸羈丹

葉標寒渡黃花暮野田重來弔古地為拊石羊肩

輓轡體

野人無事時嘗誦極玄詩罵遍千山寺吟行九曲溪誰
為補天手同是決雲兒欲去無人問今宵醉似泥

金陵懷古六首

孫伯陵頭水最悲將侯廟下月來遲夜深行客心驚恐
猿掛晉朝楓樹枝

司馬家兒持酒杯天星亦下澆崔嵬當時若便飲牛飲

欽定四庫全書

方東野集
卷二

三

定有孟津師旅來

愁看幕府夕陽邊那更雞籠在目前跋扈飛揚只如此

登臨那得不酸然

杳杳舊蹤尋不得茫茫遺恨有誰窮長安敗績誰憐汝

灞上收聲未到公

琵琶未盡使人嗟淚洒華林御苑花今日聞韶無處所

鴈烟蛩雨屬他家

江水無情碧草春北朝留住老詞臣子規啼向青楓樹

為爾離鄉去國人

江南曲

露下五原秋雨打三江愁齊梁才子多埋在青山頭

其二

郎與新歡濃儂與舊歡熟悵對行人當為歌艷曲

其三

孤館聞啼鶯日暮胭脂薄芳醪似泥賤那得不行樂

其四

欽定四庫全書

方東野集
卷二

三

雨認巫山氣江通灝瀨情相逢未多時秋花開古城

吳中秋日

郊原落葉已離離尚有孤花倚短籬小醉不成憐病後

苦吟未了說愁時聞雞走狗袁絛喜臨水登山宋玉悲

豆角已收無別事待同野老赴襟期

野薔薇

娟娟籬頭花白白間綠葉明光裁販袴不掩遊子屨餘

春背人去乞與美芳蝶感我萬古心離離不相接我行

田野間落魄何所扶猶能自撐拄使氣學漢俠悠悠芳
草畔見此放逐妾羅帷未生夢粉面反成怯幽香薰倒
人山麝火初燔長亭或相思如見玉蹀躞

狼山

吾母禱於山生我偃蹇身卅八始入寺所天俱不辰歸
人復何之所願清戰塵勿復論叩鈎去作瑞世珍

烏夜啼

何人彈阮咸故故輕手摘彈作烏夜啼此意我所惻南
朝有帝子作牧號侯伯著身疑嫌間生意日偏仄愛妾

欽定四庫全書

卷之三

七

聞啼聲改鎮頌竹冊故云長安吏性命在頃刻小婦聞
啼聲故令數大澤身雖不肖甚幼小著蒼幘再轉作縣
佐欲塞父祖責濡墨決疑訟行誅慰冤冤庫凶見之怒
極意便剗礫首沮隸陽橋公議亦已格痛掠及庫胥指
作盜錢賊胥既僭椎擊手墮面愈黑書款自誣伏身竟
遭刻畫酷毒一如斯誰謂彼無策謗書入外臺遂坐使
者劾牽連入冶城五載窮慘礪詞叫冤莫哀痛人巨

測若無磊落者誰肯為昭白翻思受禍時何但鍛羽翻
愁冤傳里巷泣涕到臧獲妾母偕妻孥惘惘望秋色豈
料今日下置酒設豚拍聽此哀絃鳴但呼說不得月明
客已去庭宇鳴啞啞世人見鷓鴣啼笑滿阡陌誰知事
乘除禍去反為福蒼蒼上林枝當去作謝客

贈趙子野歌

與君雖為外兄弟語話尋常見肝肺自從不見半年餘
每望吳雲輒流涕潸潸松江同一波半年不見當奈何

欽定四庫全書

卷之三

七

長安市上相尋處弟能起舞兄能歌兄今賜第南薰殿
滿戴宮花上林晏弟歸便著隨遊冠他時山中倘相見
吳王臺畔楊柳黃吳姬對生調絲簧阿兄自對吳雲坐
呼弟不來應斷腸書來不應寄他物只要秋林一雙笛
當時蠻奴月下吹此時此夜須相憶

古琴歌

山人袖携古琴來形橫拙醜腹破穿上兩金字亦殘漫
自云得自十年前十年前宿野店問野店岑寂無炊烟

只將百錢乞翁媼回買濕薪煨潤泉老翁持出一木段
刀痕鑿痕斧痕滿秀才望見三嘆羨學琴以後何曾見
此是成都雷氏為指摩雷氏分明現持歸修治調曲成
曲成他人不肯聞初彈菱里可釋憾再鼓廣陵如雪冤
將歸古操次第傳龍入我舟何可憐

憶昔

憶昔在童初身輕俗累無雲霞明道服日月綴仙都眉
玉三危露泥金一文符遨遊即閭闔佩帶或昆吾學語
欽定四庫全書
閨真誥談玄校易圖竹間時搏指松下亦撈捕謫墮歸
嵩壑庸凡近僕奴極知方匡景何敢遽搏扶請命書盈
紙祈真淚迸珠但能覲帝座不恨守天廚譴巨知難進
心安敢自誣相隨有芒屨還欲化雙鳥

弔堯章

相逢蕭寺已索然自詠離騷講太玄極目舊遊猶白石
傷心孤塚只蒼烟兒從外舍收殘葉客向空山泣斷絃
帝所修文與張樂魂兮應是到鈞天

遣興

望見山櫻媚短岑翻然便悔出家林壞車殺馬空嗟晚
裂蓑焚荷直到今箭巖久為歸去計雲烟無復舊來心
平生最愛花濃澹看了斜陽看暝陰

夜歸

還山更暮夜枕石吟下眠夢作童子日采花寒寒泉回
身在人世欲去塵網纏永謝歡樂情把袂入紫烟

送道友歸

浮雲起足下是子欲歸家藏室收芸露丹房掃箭砂時
聞搗藥鳥啼向欵冬花莫使山童去驚飛逐亂鴉

黃龍洞

一從負圖與負舟天公閭之居靈湫重瞳胼手久不作
蒼苔古木兩漠漠朝來石磴鱗鱗濕如覺蜿蜒為人出
甘霖未甦焦卷多相候吳雲莫相失

歸憩仁王寺

重到招提未覺遲鉢單初副袷衣時僧房齋院門門閉